

四庫全書

集部

欽定四庫全書

鶴李詩繫卷二十七

平湖沈季友編

國朝

小譚大夫吉璁

吉璁字舟石自稱小譚大夫嘉興人甲申後隨父貞良入閩父歿亂山中扶柩侍母及弟妹七人歸朱生產蕩然餉口四方以為養康熙甲辰以上舍

考第一授中書居九年出為延安同知吳三桂反
運餉入川至寧羌兵變棧道絕走黑水峪以脫既
而諸郡寇變惟存榆林一城璁誓衆死守又嘗單
騎入賊中招撫之其黨漸平戊午薦博學宏詞詣
闕已除登州守之任一年以哭子卒璁好撰述有
延綏志二十四卷肅松錄二卷爾雅綱目一百二
十卷嘉樹堂集二十卷鴛鴦湖櫂歌一卷惜其無
後浸至散失文章千古事不能無悵而之憾焉

太行春望

霄漢接崔嵬遙峰對五臺雲生蒲坂沒雪盡呂梁開白
日中天近黃河萬里來登臨愁險絕筇杖屢遲迴

山行

高下重岡靜潺湲澗水斜細松青接嶺小路白連沙煙
火渺無際農人何處家回看晴色遠雲樹是天涯

山夜與爾成登月存巖

霜風生靜夜雞犬夢寥寥月暗峰當屋雲明火出窯石

橋穿澗口草徑上山腰高立寒巖望柴門亦未遙

當湖西林寺冒雨歸

細雨能留客清棋破寂寥半簷還撼撼中路轉瀟瀟落葉隨山展寒雲沒斷橋西窗今夜宿無奈近芭蕉

李教諭明懿

明懿字山顏號蓼園嘉興人素擅文名入閩久之國初署古田教諭有樂志堂集其九日一詩為曾侍郎所稱

古城

平原將日落立馬問鄰夫廢堞隨高下蒼煙間有無不知誰氏國猶說古人都喬木垂秋色悲啼獨老鳥

九日風雨西湖泛舟同曾秋嶽

湖心急雨一天愁無計登高獨上樓北海樽開誰泛宅西溪客到傍輕鷗亂山欲落新封葉逆浪難翻老釣舟却憶金臺同對菊幾人能得故園秋

陳貢士國政

國政字憲生平湖人順治庚子歲貢時寶坻杜文
端當國延為西席終老名場有陳子古業二卷詩

集二卷

古意

浮雲蔽中野彷徨動四顧物理有同心枯株思雨露當
代覩鴻儒折旋中矩度世道殊古今交遊間新故所志
在伊呂慨然發深慕窮達自有常聖賢亦由素旦暮無
易情千載通神寤涼風谷中來流泉澗中聚抱膝發高

懷吹藥竈無意飾茅楹入夜人忘倦花移柝幾更

蓮峰布衣吳麌士

麌士字弘度世居海鹽澉川匿影湖上頹然窮老
有吾本蓮峰老布衣與世不合長掩扉之句其集
曰斷冰集

遊長墻山

孟冬天日佳攜筇事閒閑南山遙我前蒼翠如可掇春
巒多穠姿寒厓更修潔僧寮舊所憩信足任登涉縱觀

大海濤幽憤寄一泄野菊覆澄潭掬手漱芳冽我友甘
沉冥情歡在麴蘖掃石代班荆舉杯承落葉醉舞影僂
僂拂袖亂黃蝶昔聞紅樹邨訪近靡遺予緬懷多感慨
先後復同轍歸途勿躊躇落日銜山缺

附考長牆山在海鹽縣南三十五里嘉禾志云始皇東遊以山形截海若牆因名澉水志云山外有穿山洞有神曰陳都監又有龍眼潭乃宋時番舶所聚山下有石帆邨古田坑

初度日酬友

塲圃初登及小春一年虛過又嘗新從遊每負常因病

知已難留始覺貧岐路馬牛風各別羈栖魚鳥日相親
檐前短影無多在白髮蕭蕭懶向人

秋夕二首

涼風此夕爽生襟病骨驚秋漸不禁好似辭梁欲歸燕
穿花唼蕊已無心

最愛秋來月色清良宵閒坐每三更而今老病惟便卧
却怪牀前故故明

施秀才湛

湛字露巖鎔子年十三為諸生作文有原委得蘓
子瞻筆力工吟咏早逝有草堂初集

詠冬梅

移來何處歲寒姿為愛清幽折數枝遊子悵驚梅信早
征人謾道雁書遲芳含陶徑花黃日香吐梁園雪滿時
疎雨夜聞窗外滴青縑帳冷不勝悲

和沈融谷宮詞之一

羅帶綃衣映綠波霓裳舞罷發清歌承恩縱得筵前醉

無髮鬢翰墨有餘芬浩浩木石居悠悠麋鹿羣但求古
人合不覺世事分肥蕨頗可食濁醪亦可醺瞻彼萬仞
岡巒巒多氤氳造化豈終極人生安足云文章亦經史
薄俗徒紛紛剪葵烹九月滋味美于葷東籬黃菊秀賦
得碧羅裙秋氣尚餘煖巧簧惟亂蚊良友貴責善孰辨
猶與薰好學須好古五典兼三墳古人不偶世莘渭且耕
耘身立廟堂上竹帛列奇勲共酌橫山酒橫山日已曛

漁父詞

煙匝桃花雨翕翕上灘下灘水何急白頭漁父過灘去
銳頭船子衝煙入挺叉着魚好身手大魚潑刺小魚泣
咫尺波濤倘相失一朝俎醢嗟何及漁父得魚向南市
歸來買酒船頭立煙寒雨細春可憐桃花紅重蓑衣溼

鸚鵡詞飲客于湖樓作

禍衡點筆題鸚鵡蟻視王侯撾羯鼓我亦天涯淡蕩人
古來何地無黃祖鸚鵡湖鸚鵡樓沈郎才調儘風流重
陽不雨菊花好況有瓊杯消百憂人生一度幾盈缺昔

向東吳走西越
讀書萬卷濟何事
滿眼干戈羞白髮
君不見樓前湖水知
我心起立蒼茫望秋月

匡廬歌送沈南疑

君不見匡廬秀色九江口
遙挹江煙碧于柳昔者匡生
讀書至此小結廬此山遂為匡生
有西莊沈南疑雅能
讀書頗好奇自言欲向匡廬去
把酒苦索匡廬詩老夫
乃是樵雲客愛向名山弄泉石
寫將長句贈南疑留置
金泥刷青壁虎溪橋上薰風微
綠陰四合黃鸝飛已知

白社無人跡君若看雲君早歸

訪施尊師道場

仙雲不可即高閣舊盤桓石鏡宛如昨金經忽已殘琴
存三疊舞爐罷九真丹杏葉悲黃落無風滿醮壇

訪客子西莊

移櫂西莊去垂楊綠水濱風流沈秋浦留得草堂春開
卷餘青靄彈琴落素塵舊交半零落青眼向何人

至日

聞人語響急絃高張愁殺人欲為楚歌兮聲咽不可續
拂我澗邊石為君進一曲一曲終兮月當牕光潺潺兮

澗水綠

那旦阻雨

不盡翻盆雨愁添丈尺深氣昏千樹暗聲急四山沉苦
自投荒徼同誰共越吟此生隨白首飄泊到於今

題李鱣長像

不必相知早多由傾蓋中心雄矜岸幘客到有鄉筒貌

類丹元子人依臯伯通同君俯身世已是白頭翁

涿州道中

帝里秋光四望通青山一抹上陽東來同歸雁春將歇
去似亡羊路已窮馬足獨行殘月裏棗枝低拂暮山中
蕭蕭易水悲風起何處談天碣石宮

抵西平贈沈蘓菴使君

落帆亭北送君行秋月春花歲序更倣更烟霞甘久卧
故人書劍老無成蘭從舊徑思公子酒自他鄉醉老兵

今夜莫辭紅燭短十年相見話生平

旅夕

擊柝嚴城更漏長一聲邊雁起秋霜離情到處皆異
月色何曾似故鄉

李秀才煒

煒字赤茂居嘉善之西塘夙負文望老而隱居有
圃趣偶存

熱客

炎暑爍金石餘威折條柯鳥棲投茂林魚潛蔭深波胡
然恩乃公襯襪闔門過主人顰頤迎客來意則那語煩
無一要炎背汗滂沱逡巡具壺觴百引顏未酡持杯入
夜分客興方婆娑蚊雷驅復闋燭淚障轉枯寧能免欠
伸睡眼強自摩古人避熱方願依百沸渴湯熱猶可避
奈此熱客何

謁水月大師退而有作

大塊震噫氣不能號無竅天游非六鑿自得形神妙吾

彭仲謀出其太僕公遺像并虔州殉難諸札感

贈

鬚眉裘帶儼然尊正氣長留衣帶言精衛難填空怨魄
刑天終舞作強魂鬱孤臺畔生香草章貢江邊哭斷猿
應與廬陵文信國同留碧血在乾坤

梅谿逸叟孫肩

肩字培菴參議光啓子少通仕籍後棄家為僧名
詮勝號大山嗣遊江北鶴林寺受牧雲禪師囑付

歸葬梅谿精舍以老工草書尤好吟咏有甲乙詩

記四卷

讀南華經

少壯談周易
衰年讀老莊
在川嘆逝水
秉燭勝頹陽
至樂翻成苦
達生徒自忙
嗒焉我喪我
意不賦滄浪

病中寄懷陳子木

陶令攢眉日遠公
說法時直教千載後
能得幾人知
蝴蝶來新夢
鷓鴣去舊枝
投林思擇木
三匝亦何之

孫秀才鑠

鑠字長清嘉善人貫穿經史豪飲能盡一石有鄂

韓樓藁

重九後三日谿默讌集得青字

短櫂遲遲傍淺汀黃花滿院落疎星日斜檻外羣峰紫
雨過山頭萬樹青公子開樽傾北海故人載酒到玄亭
只今又過茱萸節一帶晴波動白萍

吳秀才周瑾

周瑾字虎文秀水人嘉善籍

毛公壇

包山緣仄徑樹裏見仙壇殘雪陰崖覆孤松落照寒汲
泉丹作井承露石為盤見說毛公去雲中跨紫鸞

陸秀才之泓

之泓字我上平湖人年十二入覺序有聲復社庚
子省試已入穀房考爭元竟斥拂鬱而死

秋日同郭臯旭葉星期過涵暉飲于甘山齋

蘭窗繡柱一何深金闕銀臺差足擬雙雙孔雀舞庭端
兩兩鴛鴦時戲水苑西遼后洗妝樓樓上煙花接御溝
御溝紅葉深宮出夾道金丸帝子留游宴頻呼女博士
宣傳奔走大長秋詔書新幸玉熙宮絳闕紅樓十二重
近臣宣旨催宮女黃紙書名召樂工樂工此日奏新聲
過錦還聞樂府名綵幄徐徐垂趙舞綺筵緩緩按秦箏
趙舞秦箏曲不悞依稀記得君王顧供奉時沾太液波
承恩特賜金莖露君王聞此意無涯更教煖閣奏琵琶

玉軫龍頭傳自古鏤金曲柄出皇家才人嬪娟方二八
調來銀甲何紛錯一彈紫塞雁行斜再彈內苑梅花落
天上新聲人不識梨園子弟新譜得音節傳來協律郎
坐中驚起龜茲客漢皇此夜醉仙韶中有佳人字阿嬌
北地燕支開翠靨南中楊柳拂纖腰纖腰裊裊立風前
舞雪迴風更可憐學得嬌歌勝子夜粧成墮馬雜金鉏
深恩獨在長生殿寵愛三千一人擅趨朝迢遞七香車
侍輦飄飄九華扇當年武帝李夫人此日昭陽趙飛燕

深院還調鏤玉琴阿母承宣入禁林富貴由來傾一世
恩榮長自賜千金豈知一旦朱顏改為雨為雲竟誰在
白柰淒涼辭露臺明珠零落沈瑤海哀蟬落葉冷虛房
羅袂無聲欲斷腸一枝已絕瓊田草四兩難尋西域香
自此君王不解顏更聞洛邑滿戈鋌宮中寂寞唐山曲
內庭不召李延年那堪烽火連京邑萬歲山前赤眉入
羸女攀髯未解簫湘靈泣竹難調瑟金屋誰傳寶輅回
玉魚翻傍珠襦側煖殿春風自落花白頭宮監每長嗟

遙聞杜宇嘵清晝不見金衣望翠華

五人墓前作

寒雲蔽吳關朔風吹古路訪古登胥臺重經五人墓五
人遺墓臨江濶長松廣陌何陰陰我聞此事數十載只
今過客猶悲吟憶昔明季天啟年銀璫宦竊弄權吳
中選君負時望忽聞鈞黨來江邊連連緹騎下吳邑黃
紙宣傳上官集邑令惟思解綬亡督郵却抱徵書泣繡
衣中丞何揚揚金吾隸卒盈華堂傳呼促索勢若虎觀

朔塞鴻驚沙屯鐵騎高柳挂雕弓潮汐還從北江流不
向東御堤塵颯颯路草茫茫漁父留金鏹征人走玉
驥平生懷古意悽惻感飄蓬

吳越武肅王祠

仙李遺神器羣雄遂陸梁中原方鹿逐維爾亦龍驤牛
斗璇規合山川紫氣昌羅平唬惡鳥天日出真王遂割
三吳險平臨百越疆世家異勾踐立國半孫郎屏弩江
潮寂樓船海水揚大廷龍馬至雙闕鳳凰翔暇日椎牛

酒春風屬羽觴新聲娛父老起舞雜班行五季恩榮備
三朝歷數長何年委劔焉此地儼冠裳俎豆虛崇祀英
靈憶故鄉寶衣應去匣石鏡黯無光僚佐疑陪列碑銘
想道傍我來瞻廟貌鬢鬚近宮牆苔沒黃金座巫登白
玉堂清歌聽緩緩明月自蒼蒼已矣英雄略悲哉樵牧
場放懷思割據俯仰幾興亡拜手依雲路陳辭薦柏漿
寂寥宋陵寢誰與奠烝嘗

滇中歌與黃明府雜談滇事作

滇江自古接中華匹馬南行歷瘴沙高髻銅環帶瓔珞
由來蠻女盡如花

飛雁何曾過五溪南方多半是生黎朝來倒挂緣溪舞
夜半猩猩上樹號

沅江西去是滇池風土依稀記往時銅鼓迎神歌一曲
居人多賽竹王祠

崇禎宮祠

朱邸初移玉殿開至尊新自外臺回單衣不用葡萄錦

勅進江南越布來

盈盈早歲進昭陽家本長淮到北方一自阿嬌承寵後

御前強半學南粧

內殿承恩往復還香車不斷露臺間果恩特令宮紗障
不遣春風暗玉顏

曹季子爾垣

爾垣字彥師勲第四子工古文詩詞壯年早世

送林武宣之楚

習風生兩腋間

徐運判發

發字圃臣嘉興人必達孫以廩監考授詹錄事改
運判未任卒有天元歷理清引亭稿諸刻

薊門春望和北海于虞翻韻

薊北初過雨平皋淨似秋風飈城上旆柳拂渡邊樓宮
闕春逾迥關山客自愁浮雲催薄暮千里蔽滄洲

聞溪蔣楚穉索先大司馬未刻詩稿簡寄

江郭秋風路未賒昔年清塵隔雲霞離人錦瑟愁催雁
避地青門學種瓜兵革論文哀庾信山川博物羨張華
一編先澤憑君重贏得餘閒看好花

湯太學駉

駉字公牧海鹽人

庚戌十月集柯將軍園亭送柯翰周還武水得

明字

此日成高會頻年得未曾園亭金是谷湖海客為朋月

落驚霜樹天寒指玉繩三花看已遍日觀好重登

沈貢士起雷

起雷原名隆峴字平萬平湖貢生

送柯翰周得郊字

總是淹留客相逢傾蓋交開樽當盡閭極目俯寒郊
朔雪消河曲明星出柳梢田園蕪欲盡歸興起誅茅

吳太學浩

浩字岷培秀水人

送輸周得開字

西風吹別館相送此徘徊衰柳經霜落離筵帶月開酒
闌愁客去雁過擬書來春色江鄉好煩君寄早梅

梅谿叟周賓

賓初名筠字青士號篠谷嘉興梅里人隱于市讀
書闌闌間日盡數十卷好交與從肆中得錢輒以
餉友更嗜方外遊嘗于元日訪臯亭僧靈章雪深
數尺徒步行亂山中見林際燈影始達精舍僧方

漫言相者徒舉肥雲羅天網日加密隱淪巖壑今誠稀
梅溪先生獨傲兀至死無恨朝赴饑宿瘤嫫母甘老寡
不嫁且自鍵兩扉何知名公謬聞聽欲使枯藁沾濡霏
羣公酌我意懼惻深堂促坐相遮圍長征為我慮風雪
不徒酒後蒙我衣筋駕肉緩怪中散竊恐失足遭鞭撻
為言知己不可負感恩一報圖早歸

再疊韻別陸雅坪先生

牛醫駔僧繼業微頹尾忘躍縠翩飛頭童齒豁眉半落

身腊那如瓠白肥從憐世棄由識寡敢曰我貴緣知稀
平生憂患多所歷垂老不怕還長饑猖狂偶一效阮籍
途窮行後歸山扉中筵高論獲今夕傾吐玉屑何霏霏
示我周行出艱險恍若為解重城圍尺書十幅意珍重
如餒斯食寒斯衣禡衡刺字未漫滅長途早下征驥驥
情親公叔有前約吾身良亦知所歸

三疊韻別沈南疑

稱聲自斷學杜微心何曾憂不奮飛出慕紛華入道義

瘦以交戰勝則肥無人幽谷芳自好猗蘭一任知音稀
東方有士常乏食霞餐蘖嚙聊忘饑誰言苦節貞不可
白石久柱青苔扉車脂馬秣催郡檄雨雪那顧遙途霏
東陽愛我憂軫切腰帶為減當時圍囊裝祇載萬卷帙
禦冬尚缺氊裘衣勸飲既竭牀頭酒壯我行色驅征轂
此行鼴勉從所事勿以失職思遄歸

四疊韻別李辰山

志士不厭生業微泥伏何必輸雲飛夷齊采蕨既療餓

曲逆亦食糠覈肥衆人碌碌事口腹得固窮困良亦稀
吾交同志有數輩立節只在輕寒饑賣絲濮老隱吳市
斲棺蕭氏棲屢扉亦有汪生事裁製結檻天馬林烟霏
猿騰鹿竄遂我性束縛不受三驅園先生高誼獨迥出
友彼齧缺師蒲衣吾行何為忽改轍去去輦轂紓塵鞅
傷心白頭入賓幕何日巖前同所歸

有錢百餘適書客持故與集至傾囊售之傍午
始得成炊賦示貳兒

篇惜未見其全稿

來護君

劉理順官左中允居鄉有長厚名賊入城全家閨門
縊死賊百餘至其門曰正來護君君已死羅拜哭之
來護君君已死護君不得臣之恥北山有烏南山羅鳥
飛羅破當如何

得勝門

王家彥官兵部右侍郎守得勝門被賊殺仍焚其屍

峩峩得勝門藩籬衛宮闈峩峩王莆田生死相決絕臣
身有如得勝門藩籬已毀名不存臣心有如得勝門藩
籬已毀門常存

煤山樹

王承恩太監愍帝縊於煤山承恩對面縊古樹下
明興宦者時攬權口銜天憲殊未然其間忠正不多得
子鵝片肉非常食截棄煤山樹千枝君縊南枝臣縊北
兜鍪短袖入宮裏亂臣賊子皆朱履九龍牀坐輿臺軀

皇極殿上曾區區

天兵一起還西走金珠墜葬烟花數一年兩度興亡悲
回頭寧見煤山碑

朱適成

適成字求仲嘉善人有名山八懷詩今錄其五

懷岱宗

岱宗形勝信雄哉萬里天門霽色開秦帝遺碑生綠字
漢家斷簡護蒼苔地臨玉女雲霞合峰接蓮花日月迴

七十二朝今寂寞云亭封禪有誰來

懷衡山

嵩嶽衡岳接遙天日麗霞明玉洞前七澤濤深連暮雨
九疑峰斷鎖寒烟翠華尚憶巡南極白晝曾聞降列仙
我欲振衣千仞上乘風清嘯祝融巔

懷華山

太華真形在眼中烟雲迴合杳無窮捫蘿毛女三峰迥
攜屐幽人一徑通絕壁自浮仙掌露層巒不斷石蓮風

欲報瑞華慙玉案北窗風雨渺愁予

錢士貢

士貢字巖燭繼章子怡情詩酒有晉人風致甫及
強仕而卒

和陶飲酒

五斗不適意解組遂言歸歸來復苦貧四壁空瓶罍我
生如孤雲八口常無依故人有王弘載酒欵荆扉怡然
盼庭柯翫復忘寒饑高義不可再空樽誰與揮

雜感

烟波一望渺吳關岸柳青青漸可攀羞對芳年新雪鬢
愁隨清夢舊烟鬟小園鶯轉嬌春色大庾花深照客顏
遊莫喧歌連曲港閑門流水自潺潺

吳越閒者徐之

之字遠將平湖人精於天官家言

曹司農秋岳以余粗知星象白于制府趙公口

占却聘

聖主當陽在玉衡求賢懸爵待神京儲囊雖頴難為脫
伏櫪駕駘未敢鳴自愧談天無異驗人言翊運有宗盟
草茅出處如闢象安道風流且莫爭

卜舉人年

年字翁洲秀水人崇禎己卯舉人隱于駕湖之濱
晚年肆力于詩惜多散逸

題千山雪霽圖

吳松綾子千峰闢筆窮造化疑神役長林蕭瑟同雲稠

松髯藤蔓失其碧南溪老叟蚤探梅紅衫筠笠攜杖來
呼童折花過石梁一路寒香帶雪迴坐看霽色開雲塢
巉巖山勢如蹲虎中有飛瀑走玉龍山頭樹樹皆含雨
殘雪未消日欲昏清溪樂曲繞衡門行行更入深山去
不知何處是歸村

周秀才之臣

之臣字爾襄平湖人本姓李少補弟子員康熙丁未受
鍊師王崑陽戒于松崖山奉真朝斗壬子上元見黃冠